

Dos inning malo y cinco bon no tabata suficiente pa Calvin Maduro logra su promer victoria

El a impresioná un biaha mas cu bon pitcheo

CAMDEN YARD- Calvin Maduro den su di dos oportunidad pa habri un partido e temporada aki pa Baltimore Orioles, a bolbe duna tremendo actuacion, apesar cu su ekipo a cai venci contra Tampa Bay Devil Rays cu anotacion di 3-2.

Dos inning malo, e di dos y di tres, tabata fatal pa e lanzador Arubiano, kende despues a domina por completo e ekip rival cu tremendo pitcheo.

Calvin a muestra hopi efectivo, y ta muestra mas pitcher cu algun tempo atras, y na algun ocasion e tabata impresionante.

Despues di a cai atras 3-0, Calvin a halamara y no a permiti mas libertad na Tampa Bay pero ningun momento su ekipo a lotra na reacciona pa supera e deficit aki. Al contrario mescos cu ta sosode ora cu Sidney Ponson tira, erronan di fildeo y mental ta pone e dos Arubianonan carga cu contratiempo sin cu ta necesario.

Esaki a sosode den di shete entrada ora cu mal coremento di base di Brady Anderson a bin costa e ekipo e careda di empate, y Calvin Maduro e derrota.


Den su ansha descontrola pa bai home riba un hit di Chris Richard, e ta mishi cu e coach di tercera base y automaticamente ta ser decreta out, sin cu tabata necesario.

Calvin no a cuminsa cu mucho efectividad y e promer bateador di wega, Jason Tyner, ta conecta di hit pa rightfield y ta roba segunda base.

Sinembargo ponchando Brent Abernathy y finalmente e temible bateador Greg Vaughn, Calvin Maduro ta logra di sali for di e problema.

Den di dos entrada dos out Aubrey Huff ta ricibí boleto mientras cu Chris Gomez ta dal infield hit y riba un doblete di John Flaherty, Huff ta anotá e 1-0.

Den di tres entrada Tampa Bay ta logra dos anotacion mas contra Calvin cu boleto pa Tyner, hit di Ben Grieve pa center, boleto pa Greg Vaughn pa yega e basenan y hit di Steve Cox pa center cu ta empuha dos careda



pa duna Tampa Bay ventaha di 3-0.

Den di cuater entrada Huff ta habri cu doblete pero Calvin ta recupera y ta sali for di e inning retirando e tres siguiente bateador nan.

Den di cinco inning Calvin Maduro ta retira tur tres bateador, entre nan Ben Grieve cu ponche.

Sexto entrada tabata mesun cos, caminda entre otro Grego Vaughn a keda retira facilmente y sin problema mientras cu Orioles a cuminsa duna señal di bida.

Den di shete entrada tambe Calvin ta retira tur tres bateador,

cual por cierto a bira su ultimo inning, y un total di 13 bateador e lanzador Arubiano a logra retira promer di a sali for di e partido, pa e relevista Kohlmeier drenta y tira e dos ultimo inning nan.

Orioles sinembargo no a reacciona y ta comete e fayó grandi den di shete entrada, pa colmo un error di nobato cometi pa un veterano manera Anderson.

Pero ta esaki ta loke ta tipifica Orioles e temporada aki y cu no ta dunando ni Sidney y no Calvin e respaldo cu nan merece pa e calidad di wega cu nan ta tira.

Tur cos ta muestra cu Calvin

cu e nivel y efectividad di trabao un puesto den e rotacion estelar di Baltimore Orioles.